

stato in rumor et mandato il suo bon fuori, et altre particolarità *ut in litteris*.

Fu posto, per li Consieri, una taia a Portole. *Cum sit* che Zaneto de Sibinico *olim* del podestà di Portole babbi ferito sopra il capo a Marco Antonio de Lugo era in loco de sier Beneto Da Mosto podestà de li, come apar per lettere etc. Che'l ditto sia posto in exilio di Portole, Caodistria et suo territorio et distreto con taia lire 300 a quello lo prenderà et apresenterà al podestà di Portole. Ave 169, 5, 1.

Fo scritto a Malatesta Baion capitano di le fanterie, qual è a Perosa, vengi in Lombardia con 1000 fanti che i sarano pagati, et non volendo venir, rescrivi aziò si possi far provision. Fu presa; el qual si acordò col Papa.

176 Fu chiamà sier Marco Foscari electo Proveditor a Brexa et acceptoe, et si voltò al Conseio dicendo: « Signori andarò a servirvi; ma si non farò quello voreste, sarà che non saperò più, ma la volontà sarà optima ».

Fu posto, per li Savii del Conseio et terra ferma, che al signor Cesare Fregoso, a soa compiasentia, in locho di 30 homeni d'arme li fo dati apresso li 50 havia, li siano dati li 70 cavalli lezieri havia il strenuo Hannibal di Lenza bolognese morto in campo a Cassan, et compii fin al numero di 100 lizieri, sichè habbi di conduta 50 homeni d'arme et 100 lizieri in tempo di guerra, et in tempo di paxe li sia ritornà li soi 80 homeni d'arme *ut in parte*. Fu presa. Ave:

Fu posto che a Tognon de la Riva veronese, li sia dato fanti 400, qual è a provision. Ave

Fu posto, che al signor Astor di Manfredi li siano dati fanti 400 *ut in parte*. Fu presa. Ave: 153, 38, 9.

Fu posto, che a uno Bello di Belli di Forlino (?) li siano dati fanti 200. Fu presa, Ave: 160, 15, 0.

Fu posto, che a uno capitano grixon nominato Fichardo il qual è stà recomandato per le lige de grisoni, li siano dati 300 fanti grisoni. Ave: 165, 53, 0. Fu presa.

Fu posto, che a sier Piero Sagredo di sier Zuan Francesco qual fa l'exercitio di le arme, li siano dati fanti 150, et stagi a la custodia di Padoa. Ave: 110, 37, 9.

Fu posto, che a sier Hironimo Diedo qu. sier Zuanne el qual fa el mestier di le arme, li siano dati fanti 150, et stagi a la custodia di Treviso. Ave: 163, 21, 4.

Fu posto, per li ditti, che al conte Hironimo

. li sia dato 200 fanti *ut in parte*. Ave 188, 8, 1.

Fu posto, che a uno padoan nominato Hironimo li siano dati 200 archibuseri et mandato su l'armata in lago di Garda sotto Nicolò Barbaro capitano del Lago etc.

Et sier Piero Orio el XL andò in renga per contradir, et li Savii conzò darli *solum* 100 archibuseri, et lui vene zoso. Andò la parte. Ave 97 di sì, 75 di no, 8 non sinceri et fu presa di pocho senza parlar.

Fu posto, per li ditti, che a domino Hironimo di 176* San Severino fratello del conte di Caiazo, li siano dati fanti 200.

Fu posto, che a qual è stà ricomandato per il signor Janes di Campo Fregoso governor, li siano dati fanti

Fu posto, per li Savii, aziò vadino persone di grado a la defension et custodia di la città di Verona, per tanto li 8 zentilhomeni da esser electi habbino ducati 30 al mese per uno per spexe, *in reliquis* sicome si contien in l'altra parte. Ave:

Fu tolto il scurtinio, nominà 104, numero grandissimo.

Fu posto, per li Consieri, atento il numero grande de li electi et si stària assà a balotarli, per tanto sia preso che'l primo Pregadi siano electi per scurtinio di la banca et 4 man di eletion, *ut in parte*. Ave:

Fu posto, per li Consieri, Cai di XL et Savii, che tutti li debitori di la tansa numero 8 et $\frac{1}{2}$ tansa al Monte del subsidio, possino pagar quanto dieno dar per tutto il presente mexe; qual passato siano tirà le marelle et siano scossa con 10 per 100 di pena. 156, 5, 1.

El fo licentiat Pregadi a hore 23 $\frac{1}{2}$.

Die 19 Aprilis 1528, in Rogatis.

177

8 nobiles mittendos Veronae iuxta formam partis.

Sier Hironimo Sagredo fo di XL, di sier Zuan Francesco

Sier Ambruoso Contarini fo camerlengo di comun, qu. sier Andrea

Sier Marin Michiel fo castelan a Mestre, qu. sier Alvise